



Senin, 15 Januari 2024

Ogen: 2 Raja-raja 4:10-11



Nikapken keperluan serayan Tuhan



Biasana i bas mbangun rumah, si mbelin-mbelinna lebe iukuri umpamana uga bentuk rumah e ras uga biayana siiperluken. Guna nggambar ras ngelitken biaya pembangunen rumah e melala i je bagin bapa. Tapi kenca dung rumah e ibangun lengkap ras ruang-ruangna, nande me si ngukuri penatan ruangen e ras ngaturken isina. Arah sisi psikologisna, bapa buen ngukuri bangunenna, nande ngukuri isi bangunenna sue ras ruang-ruangna.

Si idah diberu Sunem, ngukuri si mehuli man serayan si rusur reh ku rumahna. Isikapkenna sada ruang si nyaman guna Elisa ras temanna si megati reh ku rumahna. Diberu sunem seh ukurna ngelitken kai si iperluken serayan e rikutken ruangen si enggo isikapkenna. Itamana i je sada ingan medem, guna pekesahken. Di kune latih akapna mulih i bas ingan si ndauh nari entah berngi maka ia seh, banci i je ia medem. Isikapkenna ka sada meja ras sada kursi. Inganna erlajar, inganna kundul-kundul ngukuri kai si man dahinken wari si pagi. Adi lit si man tulisenken, la akapna mesera nuliskensa. E maka isikapken pe lampu jadi penerang ruangen e. Ruangen e iusahaken sikap, bersih galah aman akap Elisa i je tading. Tuhu, adi ruangen e sikap, nyaman rasa man la murah bosan ngianisa. Bagem isikapken diberu Sunem e gelah serayan e pe banci pekesahken. Gelah reh ka gegeh si mbaru guna ndahiken dahin Tuhan.

Bagem perukuren sekalak diberu, janahna kundul-kundul ras ercakup-cakap ras perbulangenna, ietehna kai si perlu i bas sada ruangen e ras kegunanna. Em ciri khas sekalak diberu, she ku keperlun si kitik-kitik pe ietehna. Mari dage Siperdiateken teptep ruangen rumahta, si tatalah rikutken kegunanna. Arah penantan ruangen si sikap ras payo nambahi kenyamanannta i bas sada jabu. Arah ruangen si sikap e pe banci nambahi semangatta reh ndahi Tuhan.